

神農本草經

《卷一》

上經

上藥一百二十種，爲君，主養命以應天，無毒。多服、久服不傷人。欲輕身益氣，不老延年者，本上經。

丹砂 雲母 玉泉 石鐘乳 涅石 消石 朴硝 滑石 石膽 空青 曾青 禹餘糧 太一餘糧 白石英 紫石英 五色石脂 白青 扁青（玉石·上品一十八種，舊同）

昌蒲 鞠花 人參 天門冬 甘草 乾地黃 朮 兔絲子 牛膝 充蔚子 女萎 防葵 茈胡 麥門冬 獨活 車前子 木香 署茀 薏苡仁 澤瀉 遠志 龍膽 細辛 石斛 巴戟天 白英 白蒿 赤箭 奄閭子 析蓂子 著實 赤、黑、青、白、黃、紫芝 卷柏 藍實 芎藭 蘼蕪 黃連 絡石 蒺藜子 黃耆 肉松容 防風 蒲黃 香蒲 續斷 漏蘆 營實 天名精 決明子 丹參 茜根 飛廉 五味子 旋花 蘭草 蛇床子 地膚子 景天 茵陳 杜若 沙參 白兔藿 徐長卿 石龍芻 薇銜 云實 王不留行 升麻 青蘘 姑活 別羈 屈草 淮木（草·上品七十三種，舊七十二種）

牡桂 菌桂 松脂 槐實 枸杞 柏實 茯苓 榆皮 酸棗 蘗木 乾漆 五加皮 蔓荊實 辛夷 桑上寄生 杜仲 女貞實 木蘭 蕤核 橘柚（上木·上品二十種。舊一十九種）

髮髮（上人·一種。舊同）

龍骨 麝香 牛黃 熊脂 白膠 阿膠（獸·上品六種。舊同）

丹雄雞 雁肪（禽·上品二種。舊同）

石蜜 蜂子 蜜蠟 牡蠣 龜甲 桑婢蛸 海蛤 文蛤 蠡魚 鯉魚膽（蟲魚·上品一十種。舊同）

藕實莖 大棗 葡萄 蓬蘽 雞頭實（果·上品五種。舊六種）

胡麻 麻賁（米穀·上品二種。舊三種）

冬葵子 芡實 瓜蒂 瓜子 苦菜（菜·上品五種。舊同）

《玉石部上品》

丹沙：味甘，微寒。主身體五臟百病。養精神，安魂魄，益氣，明目，殺精魅邪惡鬼。久服，通神明，不老。能化爲汞，生山谷。

雲母：味甘，平。主身皮死肌，中風寒熱，如在車船上。除邪氣，安五臟，益子精，明目。久服輕身，延年。一名雲珠，一名雲華，一名雲英，一名雲液，一名雲沙，一名磷石，生山谷。

玉泉：味甘，平。主五臟百病。柔筋強骨，安魂魄，長肌肉，益氣。久服耐寒暑，不飢渴，不老，神仙。人臨死服五斤，死三年，色不變。一名玉札。生山谷。

石鐘乳：味甘，溫。主咳逆上氣。明目益精，安五臟，通百節，利九竅，下乳汁。生山谷。

涅石：味酸，寒。主寒熱泄利，白沃陰蝕，惡創，目痛。堅筋骨齒。煉餌服之，

輕身，不老，增年。一名羽碇，生山谷。

消石：味苦，寒。主五臟積熱，胃張閉。滌去蓄結飲食，推陳致新，除邪氣。煉之如膏，久服輕身。生山谷。

朴消：味苦，寒。主百病。除寒熱邪氣，逐六腑積聚結固留癖，能化七十二種石。煉餌服之，輕身，神仙。生山谷。

滑石：味甘，寒。主身熱泄澀，女子乳難，癰閉。利小便，蕩胃中積聚寒熱，益精氣。久服，輕身，耐飢，長年。生山谷。

石膽：味酸，寒。主目痛，金創，諸癰瘡，女子陰蝕痛，石淋，寒熱，崩中下血，諸邪毒氣。明目，令人有子。煉餌服之，不老。久服，增壽神仙。能化鐵為銅，成金銀。一名畢石，生山谷。

空青：味甘，寒。主眚盲，耳聾。明目，利九竅，通血脈，養精神。久服，輕身，延年，不老。能化銅、鐵、鉛、錫作金。生山谷。

曾青：味酸，小寒。主目痛。止淚，出風痺，利關節，通九竅，破癥堅積聚。久服輕身，不老。能化金、銅，生山谷。

禹餘糧：味甘，寒。主咳逆，寒熱煩滿，下赤白，血閉癥瘕，大熱。煉餌服之，不飢，輕身，延年。生池澤及山島中。

太一餘糧：味甘，平。主咳逆上氣，癥瘕，血閉，漏下，餘邪氣。久服，耐寒暑，不飢，輕身，飛行千里，神仙。一名石腦，生山谷。

白石英：味甘，微溫。主消渴，陰痿不足，咳逆，胸膈間久寒。益氣，除風濕痺。久服，輕身，長年。生山谷。

紫石英：味甘，溫。主心腹咳逆，邪氣，女子風寒在子宮，絕孕十年無子。補不足。久服，溫中，輕身，延年。生山谷。

青赤黃白黑石脂等：味甘，平。主黃疸，泄利，腸癰膿血，陰蝕，下血赤白，邪氣，癰腫，疽痔，惡創，頭瘍，疥搔。久服，補髓益氣，肥健，不飢，輕身，延年。五石脂，各隨五色補五臟。生山谷中。

白青：味甘，平。主耳聾，心下邪氣。明目，利九竅，令人吐，殺諸毒三蟲。久服，通神明，輕身，延年，不老。生山谷。

扁青：味甘，平。主目痛，折跌，癰腫，金創不瘳。明目，破積聚，解毒氣，利精神。久服，輕身，不老。生山谷。

《草部上品》

昌蒲：味辛，溫。主風寒濕痺，咳逆上氣。開心孔，補五臟，通九竅，明耳目，出聲音。久服，輕身，不忘，不迷或，延年。一名昌陽，生池澤。

鞠花：味苦，平。主風頭眩腫痛，目欲脫，淚出，皮膚死肌，惡風濕痺。久服，利血氣，輕身，耐老，延年。一名節花，生川澤及田野。

人參：味甘，微寒。主補五臟，安精神，定魂魄，止驚悸，除邪氣，明目，開心，益智。久服，輕身，延年。一名人銜，一名鬼蓋。生山谷。

天門冬：味苦，平。主諸暴風濕偏痺。強骨髓，殺三蟲，去伏尸。久服輕身，益氣延年。一名顛勒。生山谷。

甘草：味甘，平。主五臟六腑寒熱邪氣，金創瘡。堅筋骨，長肌肉，倍力，解毒。久服，輕身，延年。生川谷。

查看完整版

付费下载



【百万古籍库】

<https://www.fozhu920.com/list/>

【易】【医】【道】【武】【文】【奇】【画】【书】

1000000+ 高清古书籍

打包下载





【风水】风水命理资料合集_9500 本

阴宅阳宅、风水堪舆、八字命理、手相面相、符咒卦象、奇门遁甲、紫微斗数.....



【中医】中华传统医学资料大全_15000 本

针灸、推拿、正骨术、汉医、苗医、民间秘方偏方、药洒药方、祖传医术、珍本...



【道术】道家法术\茅山术\符咒术\气术_3000 套

修真秘籍、丹道、道家秘术、胎息功、内丹术、茅山法术、道家符咒、巫术、...



【武术】传统武术与现代搏击术_6200 册

少林、武当、太极拳、形意拳、八极拳、咏春拳、气功、散打、格斗、拳击、...



【集藏】经史子集库_13300 卷

【经史子集】楚辞、汉赋、诗集、词集、宝卷、正史、编年、别史、纪事本末、地理志...



【国画】传世名画 _ 6100 卷

唐、金、辽、宋、元、明、清 800 多位画家近 6000 多幅传世...



【县志】方志\地方县志\乡志\地理志_8100 册

府志、区志、乡志、地理志..... 此合集为全国范围地方县志\府志古籍影印电子版，...



【国学】中华古籍库—32 万册古籍书

32 万册《中华古籍库》【32 万册影印古籍 + 20 多亿字，带检索器和阅读工具】包括各地方志、日本内...

【更多】 >> <https://www.fozhu920.com/list/>